

आकाशवाणीखबरां

1. प्रधानमंत्री नरेंद्र मोदी होरें अपनी 2 मुलखें दी यात्रा यूरोप दी शुरूआत फ्रांस दे नीस च कार्यक्रम मै दुरान कीती। फ्रांस दे राष्ट्रपति इमैनुअल मैक्रों हुंदे कन्नै संयुक्त रूप कन्नै भारत इनोवेटिक्स 2026 दा उद्घाटन कीता।
2. भारत-फ्रांस विशेष रणनीतिक सांझेदारी च प्रगति दी समीक्षा लेई राष्ट्रपति मैक्रों हुंदे कन्नै दपक्खी वार्ता अज्ज आयोजित कीती जाह्ग।
3. झारखंड च कल थमां बक्ख-बक्ख थाहें पर शमानी बिजली पौने करी 7 लोकें दी मौत।
4. दक्खन पच्छिम मानसून अगले दो-त्रै दिनें च कर्नाटक, तेलंगाना, आंध्र प्रदेश, उड़ीशा ते दक्खन छत्तीसगढ़ दे किश हिस्सें च अगले बध्ग।
5. कोलम्बो च 5 जहार थमां मते भारतनाट्यम नर्तकें सब्बनेशा बड्डे भरतनाट्यम नृत्य पाठ दा गिनीज विश्व रिकार्ड बनाया।
6. ते आई.सी.सी महिला टी-20 विश्व कप च भारत अज्ज संझा बरमिंघम च पाकिस्तान दे खिलाफ अपना अभियान शुरू करग।

<><><><><><>

PM-Bharat Innovates

प्रधानमंत्री नरेंद्र मोदी होरें फ्रांस दे राष्ट्रपति मैक्रों हुंदे कन्नै मिलियै नीस च भारत इनोवेटिक्स दा उद्घाटन कीता। भारत फ्रांस नवाचार दे तैहत आयोजित होने आहला एह मुख् कार्यक्रम च ऐ जेदे च 120 थमां मते भारती स्टार्ट अप, वैश्विक निवेशकें उद्यमियें ते होरनें लोकें गी इकट्ठा कीता गेआ जिनें भारत दे नवाचार तंत्र दा प्रदर्शन कीता। एहदे मगरा प्रधानमंत्री मोदी ते फ्रांस दे राष्ट्रपति मैक्रों होर भारत-फ्रांस विशेष वैश्विक रणनीतिक सांझेदारी दी प्रगति दी समीक्षा कीती ते प्रमुख क्षेत्रीय ते वैश्विक मुद्दें पर दपक्खी चर्चा कीती। इनें दौनें नेताएं भारत इनोवेटिक्स दा शुभारम्भ कीता। इस कार्यक्रम थमां नवाचार, उद्यमिता ते उभरदी प्रौद्योगिकें च भारत दी बध्दी ताकत गी प्रदर्शित कीता गेआ। राष्ट्रपति मैक्रों हुंदे आसेआ आयोजित कीती गेदी दपैहरी दी बैठक दे गल्लबात दे मगरा प्रधानमंत्री होर अपनी यात्रा दे अगले चरण लेई स्लोवाकिया आस्तै खाना होंगन।

<><><><><><>

Jharkhand Lightning

झारखंड च पिछले 24 घंटें दुरान राज्य भर च शमानी बिजली पौने दियें बक्ख-बक्ख घटनाएं च 3 महिलाएं ते 10 बरें दी बरेसू दे इक जागत सने घटोघट्ट 7 लोकें दी मौत होई गेई ऐ। पुलस नै दस्सेआ जे रांची ते गढ़वा जिलें च 2-2 लोकें दी मौत होई ऐ। बाकी मौतां चतरा, गिरिडीह ते सरायकेला खरसावा जिलें च होइयां। अधिकारियें शवें गी पोस्टमार्टम लेई भेजी दित्ता ऐ।

<><><><><><>

US Prez. PM Modi Meet

अमरीकी राष्ट्रपति भवन व्हाइट हाउस दा आखना ऐ कि प्रधानमंत्री नरेंद्र मोदी ते अमरीकी राष्ट्रपति डानल्ड ट्रम्प हुंदे बश्कार फ्रांस दे एवियन शैहर च होने आहले जी-7 शिखर सम्मेलन दे दुरान दपक्खी गल्लबात होग। फरवरी 2025 च मोदी हुंदे अमरीका दौरें दे बाद दौनें नेताएं दी साम-धाम एह पैहली मलाटी होग। जानकारी मूजब औदे बुधवारें इस बैठक दे होने दी मेद ऐ। इस महत्वपूर्ण दपक्खी बैठका च जिनें मुद्दें ते विषें पर गल्लबात होई सकदी ऐ, उन्दे च दौनें मुख् बश्कार बकाया पेदे संभावित बपार समझौते, रणनीतिक सांझ भ्याली गी रफ्तार देने बारै चर्चा, कुल संसारी सुरक्षा ते रास पूंजी लाने बारै गल्लबात, एच-वन वीजा ते आर्टिफिशल इंटेलिजेंस जनेए तकनीकी मामलें पर विचार बटांदरा शामिल ऐ।

<><><><><><>

PM-Quality health

प्रधानमंत्री नरेंद्र मोदी होरें आखेआ जे भारत सेहत सरबन्धी सेवाएं गी सस्ता ते गुणवत्ता बनाने लेई खीरी 12 बरें थमां कमम करा'रदी ऐ। इक्क सोशल मीडिया पोस्ट राएं मोदी होरें आखेआ जे स्टाढ़े मुखे गी गर्व मसूस हुंदा ऐ जे इत्थूं दुनिया दा सब्बनें शा बड्डा प्रोग्राम आयुष्मान भारत कमजोर वर्ग दे लोके गी गुणवत्तापूर्वक सोआस्थ सेवा प्रदान करदा ऐ। उनें इबबी आखेआ जे प्रधानमंत्री भारती जन औषधि परियोजना दे तैहत लोके गी घट्ट मुल्ले पर दोआइयां मिलदियां न।

<><><><><><>

Gadkari Health Scheme

शिडक परिवहन ते जरनैली शिडके दे मंत्री नितिन गडकरी होरें आखेआ जे प्रधानमंत्री नरेंद्र मोदी हुंदे नेतृत्व च खीरी 10एं बरें थमां भारत दे स्वास्थ क्षेत्र च बड़ा मता बदलाव आया ऐ कीजे इंदी सरकार नै सबनें नागरिके लेई सेहत सरबन्धी सेवाएं दी पुजज असान ते सस्ती बनाई ऐ। अपनी इक सोशल मीडिया पोस्ट दे राएं गडकरी होरें आखेआ जे सरकार दी सोआस्थ सरबन्धी पहलकदमिएं कन्नै इस खेत्र गी बड़ा मजबूत बनाया गेआ ऐ ते सोआस्थ भारत दे नजरिये पर होर जोर भरेआ गेआ ऐ। बपार ते उद्योग मंत्री पीयूष गोयल होरें बी जोर देइयै आखेआ जे भारत अज्ज दुनिया दी केई बड्डी सोआस्थ सेवाएं दा नेतृत्व करा'रदा ऐ।

<><><><><><>

IMD

भारती मौसम विभाग नै अगले दो-त्रै दिनें दरान कर्नाटक, तेलंगाना, आंध्र प्रदेश, उडीसा दे किश हिस्सें च ते दक्खन छत्तीसगढ़ च मानसून गी अगड़े बधने लेई अनुकूल दस्सेआ ऐ। विभाग नै उत्तर पूर्वी इलाके दे किश हिस्सें, अंडमान ते निकोबार, केरल, माहे, उडीसा, तमिलनाडू ते पुदुचेरी च अज्ज ते बरखा होने दे बी असार दस्से न। विभाग मूजब मध्य प्रदेश, तेलंगाना ते पच्छिम राजस्थान च कल धोड़ी अंधी झक्खड़ दी बी मेद ऐ।

<><><><><><>

Cultural Milestone

इक्क ऐतिहासिक सांस्कृतिक मील दा पत्थर हासल कीता गेआ कीजे कोलम्बो च अज्ज 5 ज्हार थमां मते लोके भारतनाट्यम दी प्रस्तुति कीती ऐ। सांझा सांस्कृति ते एकता दे इस शानदार उत्सव च 5000 थमां मते भरतनाट्यम नतर्क अज्ज कोलम्बो दे गाले फेस ग्रीन च कट्टे होए ते दुनिया दा सब्बनें शा बड्डा भरतनाट्यम नृत्य पाठ दा इतिहास रची दित्ता जेदे नै इसी गिनीज विश्व रिकार्ड च दर्ज कीता गेआ।

<><><><><><>

Rijiju

अल्पसंख्यक मामले दे केंद्री मंत्री किरन रिजिजू होरें आखेआ ऐ जे खीरी 12एं बरें थमां मुखे दे अल्पसंख्यक समुदाएं दे हालात ते उंदी जिंदगी च खरा मता सुधार होआ ऐ। इक राश्ट्री समाचार पत्र कन्नै गल्ल करदे होई मंत्री रिजिजू होरें आखेआ जे प्रधानमंत्री नरेंद्र मोदी हुंदे नेतृत्व च सबका साथ सबका विकास दे नजरिये हेठ एह आश्वासन दोआया गेआ ऐ जे समाज दे हर वर्ग च विकास दा लाह पजाया जाहग।

<><><><><><>

FIFA

आस्ट्रेलिया नै अपने फीफा विश्व कप 2026 दी शानदार शुरूआत कीती। उन्नै ग्रुप डी दे शुरूआती मैच च तुर्की गी 2-0 कन्नै हराई दित्ता। नेस्टोरी इरानकुंडा ते कानर मेटकाफ दे गोले कन्नै बहतरीन काउंटर अटैकिंग मूव्स गी सफलतापूर्वक अंजाम दित्ता जेदे कन्नै साकरूप (जेडी आस्ट्रेलिया दी टीम ऐ) उन्नै पूरे त्रै अंक हासल करी लैते। पूरे मुकाबले दरान आस्ट्रेलियन टीम संगठित रेई।

<><><><><><>

ISRO-Lunar Lander

भारती अंतरिक्ष अनुसंधान संगठन इसरो लूनर लैंडर गी चन्नै पर जबरदस्त ठंडू शा बचाने लेई परमाणु उर्जा विभाग कन्नै मिलियै उन्नत किस्मे दी आर्टिफिशल हीटिंग बवस्था तैयार करग। इसरो दे प्रमुख बी नारायण होरें बंगलुरु च वैज्ञानिक ते औद्योगिक अनुसंधान परिषद ते स्टार्ट अप उद्यमता सम्मेलन च आखेआ कि सूरज दी तपश कन्नै चलने आह्ला चंद्रययान त्रै दा विक्रम लैंडर चन्नै पर छड़ा 14एं दिनें तगर कम् करदा रेहा ते हून इसरो परमाणु उर्जा विभाग

कन्नै मिलियै नेहा लैंडर तैयार करने पर कम्म करा करदा ऐ जेहड़ा कन्नै पर 200 दिनें तगर कम्म करी सकै। इस लैंडर च ना साजगार मौसम च बी कम्म करने दी छमता बधाने आहले आर्टिफिशल हीटर लगगे दे होंगन।

<><><><><><>

Women's T 20

ते आई.सी.सी महिला टी-20 विश्व कप च भारत नै अज्ज बरमिंघम दे एजबेस्टन दे ग्रुप ए दे मकाबले च पाकिस्तान दे खलाफ अपने अभियान दी शुरूआत कीती। संझा 7 बजे शुरू होए दा एहू मैच अजें जारी ऐ।

<><><><><><>

Odisha Raja Fest

ओडिशा च अज्ज पहिली राजा दे उत्सव कन्नै 3 दिनें दे राजा उत्सव दी शुरूआत होई जेड़ा मानसून दे आगमन ते उड़िया म्हीने आषाढ़ दी शुरूआत दा प्रतीक ऐ। एहू तयौहार धरती माता दे प्रति सम्मान दा प्रतीक ऐ ते राज्य दी समृद्ध कृषि परम्पराएं गी दर्शादा ऐ।

<><><><><><>

PM Slovak

अज्ज संझा ब्रातिस्लावा च प्रधानमंत्री नरेंद्र मोदी हुंदा पारम्परिक स्लोवाक तरीके कन्नै सोआगत कीता जाहगा। बरतिस्लावा पुज्जने पर प्रधानमंत्री नरेंद्र मोदी हुंदा ब्रेड ते लून कन्नै पारम्परिक सोआगत कीता जाहगां सलोवाक संस्कृति दे मताबक परौहने ते व्यक्तियें दा सोआगत रूट्नी दे इक्क टुकड़े ते लून दी इक्क डिश कन्नै कीता जंदा ऐ। रूट्नी दा टुकड़ा समृद्धि ते सफलता गी दर्शादा ऐ ते लून दोस्ती, मूल ते सुरक्षा दा प्रतीक ऐ। प्रधानमंत्री नरेंद्र मोदी हुंदे सोआगत आस्तै स्लोवाकिया दे मयजावा इलाके थमां बच्चें दा इक ग्रुप पारम्परिक स्लोवाक डांस दा प्रदर्शन करग।

<><><><><><>

Finance Min.

केंद्री वित्त मंत्री निर्मला सीतारमण होरें दस्सेआ जे कर्नाटक गी यूपीए दे समें दे मकाबले 5 गुणा मता केंद्री टैक्स हासल होआ ऐ। श्रीमती निर्मला होर बेंगलुय च विकसित भारत संकल्प समावेश गी संबोधित करा'रदियां हियां। उनें कर्नाटक च कांग्रेस दी अगुवाई आहली राज्य सरकार दे उनें आरोपें गी गलत दस्सेआ जे कर्नाटक गी केंद्री हिस्से थमां वंचित रक्खेआ गेआ ऐ।

<><><><><><>

Chairman Lab. Statiks

सरकारै मन्ने-परमन्ने दे अर्थ शास्त्री प्रोफेसर अलख एन. शर्मा होरें गी श्रमिकें दी औकड़ें सरबन्धी इक्क उच्चि सतह आहली माहिराना कमेटी दा अध्यक्ष नियुक्त कीता गेआ ऐ। एहू कमेटी लेबर मार्किट इंडीकेटर्स गी मजबूत करने ते समें-समें पर उंदी समीक्षा करने दे कन्नोकन्नी भारत दी लेबर मार्किट दे बदलदे ढांचे दा आंकलन करने लेई बनाई गेई ऐ।

<><><><><><>

CID-TC MP

सी.आई.डी तृणमूल कांग्रेस दे सांसद अभिशेक बंदोपाध्याय थमां पार्टी विधायक दे दस्तखत जालसाजी मामले च उंदी कथित शमूलियत बारे पुच्छ-गिच्छ करा करदी ऐ। अभिशेक होर अज्ज कोलकाता च सी.आई.डी मुख्यालय भवानी भवन पुज्जे। कलकत्ता हाई कोर्ट दे हुक्म मगरा सीआईडी मामले दी पड़ताल करा'रदी ऐ। आरोप ऐ जे अभिशेक बंदोपाध्याय नै पच्छिम बंगाल च विधानसभा चुनाएं मगरा विधानसभा च विपक्ष दे लीडर दे चुनां ताई तृणमूल कांग्रेस दे नमें चुनोए दे विधायकें दे जाली दस्तखत कीते हे।

<><><><><><>

LG-Tribute

उपराज्यपाल मनोज सिन्हा होरें अज्ज ब्रिगेडियर राजिंद्र सिंह होरें गी श्रद्धांजलि भेंट कीती, जिनें 1947 च पाकिस्तानी हमलावरें कन्नै लड़दे होई अपनी जिंदू दा बलिदान दित्ता हा। जम्मू-कश्मीर राखे दे इस महान जोद्धा गी उंदी जयंती पर चेता करदे होई श्री सिन्हा होरें एक्स पर इक्क पोस्ट च आखेआ जे उंदा जीवन ते बेमिसाल दलेरी हर भारती गी कर्तव्य ते देश सेवा दे आदर्श गी बनाए रखने लेई प्रेरित करदी रौहग ते देश उंदी शहादत ते मातृभूमि लेई हिरख-प्रेम ताई म्हेशा कर्जदार रौहग। अज्जै दे ध्याड़े 14 जून 1899 गी पैदा होए दे ब्रिगेडियर सिंह ते उंदे 100 फौजिएं 26 अक्तूबर 1947 च उड़ी थाहर पाकिस्तानी कबायली हमलावरें कन्नै लड़दे होई उनेंगी उस्सलै धोड़ी रोकिए रक्खेआ जिसले धोड़ी महाराजा हरि सिंह हुंदे भारत च विलय दे दस्तावेज पर दस्तखत करने परैंत भारती फौज श्रीनगर नेई पुज्जी गेई।